



Nikolaj Jeremiassen, Siumut
-/Maani

§ 37 naapertorlugu apeqqummut nr 117-imut Kangaatsiap imaatigut angallavigneqartarneranut tunngasumut akissuteqaat

Asasara Nicolai Jeremiassen

Qujanaq apeqquternut.

- 1. Sarfaq Ittuk sinersorluni avannaanut kujammulu ingerlanermini angallassinermi tapiissutaasartut qaffaaviginngikkaluarlugit maannakkut tikiffiusartuni uninngasarnerit sivikillisillugit Kangaatsiamut aqqusaartalersinnaanera anguniarlugu Naalakkersuisut periarfissiussinnaavaat?**

Arctic Umiaq Line (AUL) niuernermik tunngaveqartumik nalilersuineq aallaavigalugu angalanissamut pilersaarutiniq aqqissuussisussaavoq. Naalakkersuisut aalajangersimasunik allannguuteqartitsinissamik naalakkiinissamik periarfissaqanngillat. Taamaattumik AUL-ip angalanissamut pilersaarutiminik allanngortitsinissaa kissaatigigukku, toqqaannartumik ingerlatseqatigiiffimmut attaveqarnissarnik inassuteqarfigissavakkit.

- 2. Umiarsuup avannamut sinersornermini aammalu kujammut sinersornermini Kangaatsiamut aqqusaartalersinnaanera anguniarneqassappat qanoq akeqarsinnaanera Naalakkersuisut paasissutissiisutiginnaavaat?**

Atorfilittama suliaq pillugu AUL attaveqarfigaat, taannalu paasissutissiivoq, taannaanaq isigissagaanni Kangaatsiamut tikinnermi immikkut ittumik aningaasartuuteqarfiussanngitsoq. Kisiannili tikinnermut taamaattumik atasumik immikkut piffissamik annertunerusumik atuisoqartussaavoq, angalanissamut pilersaarutip sinnerata naammassiuminnaallineranik malitseqartumik.

Neriuppunga matuma siuliani allassimasuni apeqqutitit akineqartut.

Inussiarnersumik inuulluaqqsillunga


Steen Lyngé

06-06-2014
Sags nr. 2014-100390
Dok. nr. 1599175

Postboks 1160
Tlf: 34 50 00
Fax: 34 55 05
3900 Nuuk
Email: pan@nanoq.gl
www.naalakkersuisut.gl